

香官使者左右龍虎君侍香諸靈官當今日
朝元之所自然生金液丹碧芝英百靈眾真
交會在此香火爐前今日學道得道求仙得
仙齋王受福顯沾恩十方仙童玉女侍衛
香煙傳日向來所啓之誠速達徑御
太上元極大道至真玉皇上帝御前

出戶

靈寶領教濟度金書卷之六十七

靈寶領教濟度金書卷之六十八

發七

洞微高士開光救苦真人壽金真授
靈寶通玄弘教水南先生林靈真編

科儀立成品淨供 合用

大獻謝恩醮儀

燒香頌

各禮師存念知法

宣衛靈呪

東方

九炁青天 明星大神 煥照東鄉 洞映九門
轉燭陽光 掃穢除氛 闡明童子 號曰玄卿
備衛我軒 上對帝君 收魔束袂 討捕兜羣
奉承正道 赤書玉文 九天符命 攝龍驛傳
普天安鎮 我得飛仙

南方

三炁丹天 煥景流光 榮皇轉燭 洞照太陽
上有赤精 合契虛皇 闡明童子 號曰華芳
總御火兵 備守玉堂 斬邪束袂 剪截魔王
北帝所承 風火衝當 流鈴交煥 翊衛壇場
正炁流行 敢有猖狂 我享上功 坐運魁罡

儉劫長存 保天無疆

西方

七炁素天 太白流精 光耀金門 洞朗太冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊并
道合自然 飛昇紫庭 靈寶符命 普衛萬生
元皇正炁 來合我身 功加一切 天地咸寧

北方

北方玄天 五炁徘徊 辰星轉燭 洞煥太微
黑雲尊神 號曰層威 統冠飛天 仙裾羽衣
備守五門 檢精捕非 敢有干試 豁落斬摧
玉符所告 神真八威 邪門閉塞 正道流輝
三光映照 我身無衰 策空駕浮 舉形仙飛

中央

黃炁中央 調理乾坤 陶鎔陰陽 總統玄真
鎮星吐輝 流耀九星 闡明童子 號曰天璘
陽炁醜上 朱煥炎精 洞照內外 運我身形
百邪摧落 攝役鬼靈 中山神呪 普天使聞
五靈安鎮 身飛上清

鳴法鼓二十四通

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為人意其諸

情悃具載緘封願得

太上至真道炁靈寶妙光下降流入臣等身

中今臣所啓之誠速達徑御

太上无極大道至真土皇上帝御前

請稱法位

具位奉行其齋謝恩清醮法事小兆臣某與

臨壇官衆等謹同誠上啓

太上无極大道虛无自然元始天尊妙无上

帝虛皇玉晨大道君靈寶天尊妙有上帝萬

變混沌玄元老君道德天尊至真大帝玉皇

大天尊玄穹高上帝紫微中天北極大帝太

微上宮天皇大帝高上神霄玉清真王長生

大帝東極青玄老君太乙救苦天尊運明保

元上帝南極真王朱陵大帝后土皇地祇十

方无極太上靈寶天尊九微太真東華青童

大道君紫微元靈青金丹皇大道君无上九
天生神上帝三十二天上帝五靈五老上帝
上清十一曜上真道君南辰六關上真道君
北極九府上真道君上清二十八宿真君泰
玄樞機三省諸相天君天地水三元帝君北

極四聖真君玄中大法師真君三天大法師

真君靈寶經籍度師真君靈寶監齋大法師

真君十方无極飛天神王五天三界大魔王

三洞四輔經錄法科高真上聖三天門下三

元真君直日引進仙官上章詞表靈官本靖

諸者府院司仙靈官吏五嶽五帝真君五天

聖帝北陰玄天鄴都大帝東霞扶桑丹林大

帝洞天福地靖廬治化仙官本靖相玄真師

列位真人經籍度師列位真人城隍社今里

域土地虛空鑒察一切真靈臣聞一炁洪濛

包圓清而統經緯萬形坎壈羅方濁而御陰

陽道大无垠德周有截善生善死靜觀五億

之裁成潛地潛天動聽三千之化育皆統承

於元始慈靈鑒於虛皇上極太无洞輔冠玄

元之與下張妙有樞機周空洞之英至矣神

功大哉聖化臣等恭真學道鍊景求仙標
散材迹尚遊於黃混楓梧弱質心期契於青
冥莫融九室以存思誓運三田而領教今齋
主其潔消蓬宇踈淪茅束期開度於幽沈庸
圓成於勳行果蒙帝力式慰民情輒修類藻

之恭爰聲非封之敬伏願紫闈洞朗黃道昭

回綠輦丹輦擁朱幢而來下瓊輪羽蓋羅翠

節以前臨十華之月駟參陪八極之雲龍混

合不遺德悃悃赴道場臣不勝願俟之至謹

稽首再拜奉迎

聖駕

請聖

重稱法位

具位奉行其齋謝恩清醮法事小兆臣某與

臨壇官衆等謹重誠上啓

虛无自然无極大道元始天尊玉晨元皇道

君萬變混沌玄元老君高上玉皇昊天上帝

三寶丈人三寶帝君九天應元雷聲普化天

尊度人三十二天上帝三十六部尊經玄中

大法師三界應感一切威靈臣聞道幹鴻蒙

統百昌而變理象涵鷲極周庶類以森羅混
茫凝妙於華京亭毒融英於丹谷元聲无臭
廓然得一之功有數有滋至矣幽三之力威
靈莫測變化難量今齊主某焚二五之真精
融一三之至粹性天冰潔每懷惻隱之靈源

心地星輝常抱哀矜之淵府念四生之飄蕩
與六道之流吹五苦顛連三途汨沒生无福
業放難大而不求殺有罪緣縱鶴猿而罔牧
寬憎結習仇敵纏索甘網常而三惑不除賤
名檢而四知何畏三彭構蒙二堅乘危愆畢

紀於簡書過悉羅於簿錄致使神歸厚夜魂
隨重泉捨生受生善惡之殊途輪轉歷劫趨
劫慘舒之異路循環匪由提授之勤曷遂超
凌之願爰依丹陛恭建玄壇願玉札以爾命
羣靈承金符而惠徽萬類果蒙應念普賜追

呼延開大獻於玉山恩釐小心於金闕灌精
華於東井流演雲泉解飢渴於北單潔清霞
饌配乾坤而合妙降離坎以凝身業垢潔清
受化丹陵之府塵氛陶冶返生朱火之官悉
由紫極以汪涵靈藉清微之覆育上德不德

敢云瓊玖之輝知恩報恩當効珠環之謝敬
陳淪祭膚格隨旂騰尺璧以摭丹露寸忱而
寫素詞文教告恪冀鑒觀

宣詞

詞旨備敷聖心簡在茅茨不備借羞綿絕之
儀黍稷非馨恪寓粟絲之敬伏願蓋高无外
聽卑不遺享真獻之小心錫維持之大造珠
彝泛玉翠竿流金瓊瓊三成徽雲鏞而激響
瑤壇九奏拊月磬以和鳴霓旌騰百和之芳
羽葆鼓千枝之麗伶俜振逸符寶衛嚴術歆
萬一之誠曲軫再三之禱

亞獻

具位臣姓某等謹同誠上啓
三清上聖十極高真圓穹之帝后仙靈方域
之普係主宰三界應感一切威靈巨闡萬帝
臨軒滿八遠之湛露千真拱座流三極之御
雲况寒庭煥赫於陽光而夜壑開明於陰暗
天无私覆既施惠以彌羅帝有恩言諒報功
而赫奕先願齊主九五七祖德劫種親削落
罪根解除惡薄超凌鬼趣辭金粟之淒涼遊

宴仙都升玉虛之家廓澤常烟族福被雲仍
次願齋主某動靜和寧起居康泰雲瀛接漢
彭浩浩之福基日觀摩霄錫亭亭之壽祉院
宇之光風自到門庭之霽月常新芝秀蘭芳
樂清時之文獻梅榮管茂昭盛世之儀刑衣

冠格紹於其裳詩書律符於絃誦次願玄壇
所度亡爽前愆雲散宿債煙消乘宸永希於
陽翹威躋道境離夜齊超於陰翳水脫神鄉
絕塚訟之勾連斷考殃之滯累巨等久依玄
陰襟觀形庭潔已敷陳慶金科之糾過齋心

奏對或玉律之書愆朝夕冰兢風宵山負願
頌鶴赦曲垂有造之仁庶戴龍恩永拜无私
之忠上願二儀澄晏四象宣平澤隱龜龍出
圖書而薦瑞彩飛鸞騰同文軌以呈祥荒陞
息飲馬之聲隴畝絕遺蝗之影野除蕭艾朝

富芝蘭九土春融措五刑而生生不息萬方
風靜歌九功而化化无垠遂踐行象息之情
樂蠢動舍靈之性三途罷對五苦停輪巨不
勝虔祝之至

終獻

重稱法位

具位臣姓其謹重誠上啓
 太上无極大道虛无自然元始天尊妙无上
 帝虛皇玉晨大道君靈寶天尊妙有上帝萬
 變混沌玄元老君道德天尊至真大帝玉皇
 大天尊玄穹高上帝紫微中天北極大帝太
 微上宮天皇大帝高上神霄玉清真王長生
 大帝東極青玄老君太乙救苦天尊運明保
 元上帝南極真王朱陵大帝后土皇地祇十
 方无極太上靈寶天尊九微太真東華青童
 大道君紫微元靈青金丹皇大道君无上九
 天生神上帝三十二天上帝五靈五老上帝
 上清十一曜上真道君南辰六闕上真道君
 北極九府上真道君上清二十八宿真君泰
 玄樞機三省諸相天君天地水三元帝君北
 極四聖真君玄中大法師真君三天大法師
 真君靈寶經籍度師真君靈寶監齋大法師
 真君十方无極飛天神王五天三界大魔王
 三洞四輔經錄法科高真上聖三天門下三
 元真君直日引進仙官上下詞表靈官本籍

諸省府院司仙靈官吏五嶽五帝真君五天
 聖帝北陰玄天鄂都大帝東霞扶桑丹林大
 帝洞天福地靖慮治化仙官本籍祖玄真師
 列位真人經籍度師列位真人城隍社令里
 域正神虛空鑿察一切真靈臣聞至敬無文
 不顯告成之悃大禮必簡借伸昭事之儀獻
 情既罄於三周奠饗牽彈於一念以今河澄
 月淡夜漏將中斗轉參橫宵墜已半金鼎煙
 沉於蘭篆銀缸光暗於芝膏風栴後先將返
 霄衢之仗鸞旂上下行旋輦路之班萬騎雲
 奔千轅風動臣等翹傾徒極攀戀無階入妙
 凝真萬氣齊仙於玄牝運元會道百神混合
 於泥丸臣下情无任不勝激切攀戀之至再
 拜奉送

存神復爐

香官使者左右龍虎君侍香諸靈官當令臣
 設醮之所自然生金液丹碧芝英百靈衆真
 交會在此香火爐前臣學道得道求仙得
 仙齋主受福幽顯沾恩十方仙童玉女侍衛
 香煙傳臣向來所啓之誠速達徑御

太上无極大道至真玉皇上帝

迴轉頌

焚燎

靈寶領教濟度金書卷之六十八